



COMUNU DE CERÀXIUS TZITADI METROPOLITANA DE CASTEDDU

ÀREA 1 SÒTZIU-ASSISTENTZIALI

AVISU PÙBLICU

PO SA CUNCESSIONI DE SU BONUS ÌDRICU INTEGRATIVU A IS IMPREADORIS CHI FAINT PARTI DE NÙCLEUS FAMILLARIS IN CUNDITZIONI DE STROBUS SÒTZIU-ECONÒMICUS - ANNUALIDADI 2020.

SU DIRETORI DE S'ÀREA 1

Cunforma a sa deliberatzioni de su Cumitau Istitutzionali de Àmbitu EGAS n. 35 de su 12/11/2020 chi aprovat su Regulamentu po sa cumpridura de su Bonus Sotzialu Ìdricu integrativu po s'annu 2020 po is impreadoris de su Servìtziu Ìdricu Integratu, cun sa tarea de assegurai sa cuncessioni de agiudus econòmicus cumentu rimbursu tarifàriu po parti de su gestori Abbanoa S.p.A. a is "utentzas dèbilis", chi currispondint a is nùcleus familliaris residentis in is Comunas de s'Àmbitu de Sardìnnia chi sunfrint strobos mannus sòtziu-econòmicus,

FAIT SCIRI

chi, cumintzendi de sa publicatzioni de s'avisu presenti e aintru de sa dii 30/12/2020, is sugetus residentis in su Comunu de Ceràxiu, chi portat is requisitus amostaus innoi asuta, scioberaus de EGAS cun DCI n. 35/2020 (All. A), podint presentai dimanda po s'entrega de su Bonus Ìdricu po sa annualidadì 2020.

Su Bonus Integrativu si depit cunsiderai aciungidori respetu a su Bonus Sotzialu Ìdricu (Bonus Natzionali) apariciu cun su TIBSI.

Su tanti de su Fundu destinau a s'agiudu tarifàriu po su Comunu de Ceràxiu est de € 37.285,25 , carculau de EGAS castiendi a sa popolatzioni bividora a su primu de gennàrgiu 2017 e sighendi sa subrafaci de su territòriu.

Is agiudus tarifàrius de custu avisu no ant a podi barigai su tanti intreu entregau.

1. REQUISITUS DE AMITIDURA

Funt amìtius a su Bonus Integrativu is sugetus amostaus innoi a suta, bividoris in su Comunu de Ceràxiu:

- a. **is impreadoris deretus**, intestadàriu de una utentza Domèstica Residenti, po a su mancu unu de is componentis de su nùcleu ISEE, e aundi siat assegurau su poderiu de custus requisitus:
 - 1sa agualesa de sa residèntzia anagràfica de s'intestadàriu de su cuntratu de frunidura ìdricu cun s'indiritzu de frunidura de su cuntratu e totu;
 - sa agualesa de su nòmini e de su còdixi fiscali de s'intestadàriu de su cuntratu de frunidura ìdricu cun su nòmini de unu componentu de su nùcleu ISEE.

- b. **is impreadoris inderetus**, bastit chi siat assegurada sa agualesa intre sa residèntzia anagràfica de unu componentu de su nùcleu ISEE e s'indiritzu de sa frunidura condominiali o agregada.
- 1) Po èssiri amitiu a s'agiudu is pedidoris ant a depi pertocai in sa tipologia sòtziu-econòmica tzerriada "utentza dèbili". Su requisitu de fundòriu po nci intrai est chi siant utentzas su cali nùcleu familiari tèngiat unu inditadori ISEE no prus mannu de su tanti de 20.000,00 èurus;
 - 2) Su nùcleu ISEE in cunditionis de strobu econòmicu sotziali tenit su deretu a arriciri su Bonus Integrativu po unu cuntratu de frunidura sceti.

2. DETERMINATZIONI DE SU BONUS INTEGRATIVU

Su tanti de su Bonus Integrativu chi tocat a dònna beneficiàriu est de:

- **25,00 èurus** po dònna componentu de su nùcleu familiari in presèntzia de unu inditadori ISEE asuta de su tanti de 9.000,00 èurus;
- **20,00 èurus** po dònna componentu de su nùcleu familiari in presèntzia de unu inditadori ISEE de 9.000,00 èurus finsas a su tanti de 20.000,00 èurus.

3. MANERAS E TRÈMINIS DE PRESENTADA DE IS DIMANDAS

Is impreadoris de su servìtziu idricu integrau chi tenint totus is requisitus de amitudura podint entregai sa dimanda apòsita, cumpria e firmada beni, bia a su Comunu de Ceràxiu aintru e no apustis de sa dii 30 de mes'e idas 2020, cunforma a una de custas maneras;

- a) a manu a s'ufitziu protocollu comunali;
- b) a s'indiritzu de curreu eletrònicu tzertificau a s'indiritzu PEC:
protocollo@pec.comune.selargius.ca.it;
- c) imperendi sa arregumandada A/R bia a s'indiritzu Bia Istria, 1 - Ceràxiu;
- d) cun sa procedura online a disposidura in su giassu dedicau
www.bonusacqua.it

In acontèssiu de impreu de sa manera de presentazioni amostada in su puntu c), sa arregumandada A/R at a depi lompi a s'indiritzu amostau aintru e no a pustis de su trèmini ùrtimu, intzaras, po sa amitibìlidadì no at a importai sa dii de imbiu de cussa e totu.

A sa dimanda de amitudura ant a depi èssiri **alliongius**:

- a) unu documentu de arreconnoscimentu de su pedidori ancora bàlidu;

- b) una bulletta chi pertocat a s'utentza imbordigada;
- c) còpia de sa atestazioni ISEE ORDINÀRIU ancora bàlida in sa dii de presentada de sa dimanda.

Sa farta de presentada aintru de is trèminis chistionaus at a annullai sa pedidura.

4. MANERAS DE APARICIADURA E GESTIONIS DE IS ELENCS DE IS BENEFITZIÀRIUS E DE IS IDÒNEUS NO BENEFITZIÀRIUS

Su Comunu pigat in càrrigu a totus is dimandas averiguendi is requisiti de amitidura a su Bonus Integrativu, est a nai:

1. su respetu de su trèmini ISEE amostau in su puntu 1);
2. chi sa residèntzia de su pedidori siat in su logu de frunidura scritu in sa
3. bulleta o siat alliongiu a cussu;
4. sa genia residentziali de sa frunidura posta in sa bulleta (tarifa Domèsticu Residenti),
5. sa appartenèntzia de su sugetu a su nùcleu famillari ISEE de s'intestadàriu de sa frunidura (chistionendi de utentza dereta) o de dònna manera de su nùcleu agiudau chi nci bivit ingunis (chistionendi de utentza indereta)

Su Comunu fait sciri a su pedidori su dennegu eventuali cun sa tarea de permiti a s'interessau de aconciari sa documentazioni pagu cumpria o chi fartat.

S'elencu de is beneficiàrius at a èssiri apariciu de s'Uffiziu Servitzius Sotzialis donendi sa prioridadi a is pedidoris sighendi unu òrdini de ISEE chi bandat a cresci e, in acontèssiu de paridadi intre medas impreadoris, imperendi s'allega de s'òrdini cronològicu de presentada de sa dimanda.

A s'acabu de s'istrutòria e de dònna manera aintru de su primu de friàrgiu 2012 su Comunu aprovat s'elencu de is beneficiàrius bividoris in su territòriu cosa sua, chi at a depi imbiar a s'EGAS impari cun s'àutu de aprovaZIONI.

Casumai su tanti de su Fundu Integrativu entregau no permat su finantziamentu de totus is dimandas lòmpias, su Comunu at a fai duus elencus: s'elencu de is beneficiàrius e cussu de is idòneus no beneficiàriu po farta de dinai.

S'elencu de is beneficiàrius, apariciu castiendi su balori ISEE depit tenni, si no bolit èssiri arrefudau, totus is informatziones amostadas in su format alliongiu a su Regulamentu EGAS (All.2).

Sa comunicazioni fartada aintru de is trèminis po parti de is Comunas ocasionat chi no ddi benit arreconnotu s'agiudu de su Bonus Integrativu.

S'EGAS, cun determinatzioni dirigentziali, pigat àutu de is elencus imbiaus de dònna Comunu e narat a su Gestori is impreadoris benefitziàrius de s'agiudu, chi, apustis de is averiguaduras chi ddi pertocant apitzus de sa beridadi de is datus arricius cun cussus bessius a foras de su sistema gestionali cosa sua, at a ponni cussu agiudu in is gastus de su 1 de gennàrgiu finsas a su 31 de mes'e idas de s'annu imbordigau.

In s'acontèssiu chi, in su tempus de sa fàsia de averiguadura numenada innoi asuba po parti de su Gestori, iant a bessiri a foras diferèntzias, sa dimanda presentada de s'impreadori at a èssiri cunsiderada irricevibile e sinnalada, a su EGAS e a su Comunu de bivèntzia sprighendi puru sa arresoni.

5. SPRATZIDURA DE SU BONUS INTEGRATIVU

Su Gestori spratzit, a s'impreadori finali, su Bonus Integrativu:

- a. a is impreadoris deretus, in sa prima bulleta profetosa;
- b. a is impreadoris inderetus, cun sa rimitidura dereta, cun maneras bonas a assegurai sa arrastrabilità e s'arreconnoscimentu de su sugetu benefitziàriu de s'agiudu.

Su tanti de su Bonus Integrativu po s'impreadori deretu depit èssiri sinnalau cumentis si depit, e si depit agatai in sa bulleta e sciussiat su balori de su tanti intreu bessiu a fpras, mentras po s'impreadori inderetu at a èssiri acrarau in una comunicatzioni apòsita.

In manera particolari, po s'utentza dereta sa spratzidura at a acontèssiri acrarendi in sa bulleta:

- a. su tanti ocasionau de s'impreu de sa tarifa Domèsticu Residenti,
- b. su tanti de su BONUS Integrativu spratziu cunforma a custu Regulamentu po sa cumpetèntzia de sa bulleta
- c. su tanti chi sobrat de pagai, cumentis diferèntzia de is duus de innantis.

No at a benni arricia sa dimanda chi no at a èssiri scritta de manera currìgia o chene totus is documentus pedius.

6. SCRUCULLUS E SANTZIONIS

Su Comunu de Ceràxius, cunforma e po is efetus de s'art. 71 e s'ighidoris de su D.P.R. 28 de mes'e idas 2000 n. 445. at a s'ighiri a fai is scrucullus costumaus, puru a intzertu, e in totus is acontèssius aundi bessant a foras dudas mannas a pitzu de sa beridadi de is decraratzionis arremprasadoras de is artt. 46 e 47 de su D.P.R. numenau.

Aturendi frima sa responsabilidadi penali in acontèssius de decraratzionis frassas, cuncordadura o impreu de àutus frassus, si de su scrucullu fatu de su Comunu bessat a foras su frassùmini de sa decraratzioni, su decraradori e is componentis de su nùcleu famillari cosa sua perdint totus is benefitzius chi aiant pòtziu arriciri.

7. RECURSUS

Sa graduatòria provisòria at a èssiri publicada, cun balori de notifica a totus is efetus, in s'Albu Pretòriu online de s'Enti e in su giassu Istitutzionali a s'indirizzu www.comune.selargius.ca.it e at a èssiri cunfrimada si no ant a lompì recursus.

Cun sa tarea de amparai su deretu a su resguardu e a sa privacy de is sugetus chi ant presentau sa dimanda, in sa graduatòria at a èssiri scritu sceti su nùmeru e sa dìi de protocollu donau a su pedidori candu at presentau sa dimanda.

Cussus imbordigaus ant a podi entregai recursu a s'Uffitziu Servìtzius Sotzialis de su Comunu aintru de su tràmini de 10 dìis de sa publicatzioni de sa graduatòria. Si in cussu tempus ant a lompì recursus, s'Uffitziu Servìtzius Sotzialis at a fai s'esàmini de cussus e sa graduatòria eventualmente aconciada at a èssiri cunsiderada cussa definitiva.

8. TRATAMENTU DE IS DATUS PERSONALIS

Su Comunu de Ceràxius, cumentì Titolari de su tratamentu de is datus, at a impreai is datus personalis entregaus cun sa tarea de sa pedidura de su Bonus ìdricu, siat de paperi e siat de manera informàtica e telemàtica, sceti cun sa tarea de cumpriri is atividades alliongiadas cun sa dimanda, fendi is fainas cosa sua de interessu pùblicu o de dònna manera alliongiaus a sa cumpridura de is poderius pùblicos cosa de s'Enti, arrespetendi totus is tareas amostadas in su Regulamentu UE 2016/679.

Su tratamentu de is datus personalis at a acontessi sighendi maneras profetosas po sa seguresa e su resguardu prenus e at a èssiri fatu imperendi paperi, trastus informàticus e/o telemàticus po sa cumpridura de is atividades de sa Aministratzioni.

Su tratamentu de is datus est fundau a pitzu de is allegas de liceidadi, currigidura e trasparèntzia e, cunforma a s'allega de s'aici narada "impiticadura de is datus", is datus pedius funt adeguaus, pertinentis e impiticasu respetu a is tareas po is calis benint impeaus. In manera particolari, is datus funt arregòllius e arregistraus sceti po is tareas chistionadas apitzus e ant a èssiri amparadas sa dinnidadi e su resguardu.

S'entrega de is datus de custa modulistica est a scioberu, ma unu eventuali dennegu a ddus donai at a ocaionai sa impossibilitadi po s'Aministratzioni de impreai is datus po is tareas imbordigadas, cun sa cunsequèntzia chi no at a èssiri possìbili sa spratzidura de is servìtzius pedius.

Is datus arregòllius ant a èssiri scoviaus a EGAS po sa tarea de sa entrega de s'agiudu tarifàriu.

Cussus datus e totu ant a èssiri ogetu de istantza de intrada documentali cunforma e in is tràminis de is artt. 22 e ss. L. 241/90, o puru ant a podi èssiri ogetu de pedidura de intrada tzìvica "generalizada", cunforma a s'art. 5, comma 2, e de s'art. 5 bis, D. Lgs. 33/2013.

Is datus entregaus ant a èssiri impreaus de sa Aministratzioni po su tempus chi serbit a sa cumpridura de su traballu aministrativu alliongiu e chistius cunforma a is arrègulas apitzu de sa chistidura de sa documentatzioni aministrativa.

Is datus ant a èssiri impreaus sceti de su personali, de cullaboradoris de s'Enti o puru de sugetus de aforas numenaus a craru cumentì Responsàbilis de su tratamentu po parti de su Titolari.

A foras de is acontèssius numenaus innoi asuba, is datus no ant a èssiri scoviaus a atrus e nimancu spratzinaus

Cussus imbordigaus tenint su deretu a pediri a su Titolari de su tratamentu s'intrada a is

datum personalis e sa currigidura o sa bogadura de cussus o sa impiticadura de su tratamentu chi ddus pertocat, o de si ponni cuntra de su tratamentu, cunforma a is artt. 15 e ss. RGDP.

Istantza apòsita est presentada a su Responsàbili de s'Amparu de is datus de s'Enti (ex art. 38, pàrrafu 4, RGDP), agatau in sa **SIPAL srl, cun sedi in Casteddu in sa Bia San Benedetto, 60** - Tel. 070/42835 - email: dpo@sipal.sardegna.it - pec: sipalpostacertificata@pec.sipal.sardegna.it

9. PUBLITZIDADI DE SU BANDU

Còpia de custu Bandu est a disposidura de is tzitadinus poita ddu potzant ligi anca su Albu Pretòriu e su giassu istitutzionali www.comune.selargius.ca.it.

Po informatzionis, tzerriai a sa Dot.ssa Stefania Lai
tel. 070 8592353 - email stefania.lai@comune.selargius.ca.it

Ceràxius 20/11/2020

**Su Diretori de s'Àrea 1
Dot.ssa M.Laura Giancaspro**